

雙尊德慧頌蓮池

梁永康

明代末葉，高僧相繼出，如雲棲株宏（蓮池）、憨山德清、靈峯智旭等，莫不雙尊德慧，述作侈隆，而俱以淨土爲歸則一也。其中弘法無礙（憨山成粵智旭早化），德澤綿長者則以蓮池大師爲最。師杭州沈氏子，世爲名族，年十七，補邑庠，然有出世志。披剃後，嚴淨毘尼，力弘淨土，開導說法，如瓶瀉雲興，衲子歸心，遐邇仰化。故萬曆後，淨宗信仰，勃然以興，深入民間，迄今未替。其開示學佛方法曰：「無論莊嚴形迹，止貴真實修行」。與近代印光大師趨向相同，光光交澈，均獨具見解，而不爲常例所拘牽，正道是弘，修持有則。故學者宗之，尊爲蓮宗第八祖。而師之道隆學博，挹廬山遠祖之高風。便易門開，啓近代學佛者之坦道。其嘉言崇行，足爲仰止。茲謹述遺芬以彰盛德：

一 宿植善根豁然有悟

夫不凡之子必異其生，師年十七即補邑庠，屢試冠其曹，願志在出家，每於案頭中書生死事大四字；家祭必以素，世味淡如，以佛理爲歸。在警衆語中自云：「我未出家時，於不仁不義無德無智的事即他人導之爲，而我自羞慚愧恥，纖毫必不肯爲。所以者何？良由吾人前世親近好人，八識田中領納得好言語。所以今生自然見惡則恥，不肯去做。你們要著實親近好人，當早晚發願之時，當願世世生生親近善知識」。從上文中證其宿植善根，有異於恒庸之輩。故當嘉靖乙丑除日，婦捧茶至案，盞裂。師笑曰：「因緣無不散之理」。明年謂婦曰「恩愛不常，生死莫代，吾往矣，汝自爲計」。乃作一筆勾詞（該詞刊本現仍甚流通）。遂投性天理和尚祝髮，乞昭慶寺無塵玉律師就壇受具。後即單瓢隻杖遊諸方，遍參知識，而道亦日進。夫披剃原因至爲繁多，然師之棄儒書，拋愛侶，超然長往，固非如稚年之基於孤露，中歲之衆苦交煎，暮境之伶俜有忙恨者比，亦顯然而見也。

二 嚴淨毘尼闡明律制

戒爲無上菩提，佛倡三學引導羣生，以戒爲基本。基本不立，定慧何依？師悲末法教網滅裂，羅生業深垢重，如以醍醐而貯穢器，非嚴淨毘尼，躬行實踐，不足以行利導。故及門問道，賢豪候參者雖多，然寺中不設饌，皆甘糲飯；敗席而臥，任蜥蚊縱橫而不改容；五十年中未嘗妄用一錢；垂老猶自澆濯，出溺器，不勞侍者。謹肅清規，若精進，若老病，若十方，各別有堂。百執事各有寮，一一具鎖鑰，啓閉以時；各有警策語，依期宣說，舉功過，行賞罰，無敢犯者。復著緇門崇行錄尤有聲於時。其序曰：「先民有言：『德行本也』。又云『士之致遠者，先器識』。況無上菩提之妙道，而可以受非其器乎哉？師子之乳匪瑠璃瓶貯之則裂。舉萬鈞之鼎，而荷以一葉之舟。不顛趾而溺者幾希矣。今沙門稍才敏，則攻訓詰業，鉛槧如儒生。又上之，則殘撫古德之機緣，而遂聲響捕影跡，爲明眼者笑。聽其言也，超佛祖之先，稽其行也，落凡庸之後。蓋末法之弊，極矣！予爲此懼，集古善行，錄其要者」。護法之誠用心之苦，躍然紙上矣。

三 卓具神通雲棲顯異

佛法不重神通，然而神通自見，當師之居雲棲山也，以其山水幽寂，逐有終焉之志，結第三楹，寒巖弔影，與古代頭陀之岩棲谷飲，無以異也。然村多虎患，環山數十里，傷者亦數十人，居民苦之。師覩不自安，爲發悲懇，遂諷經施食，虎患乃寧。又值歲旱，田疇龜裂，河港魚枯，村民乞師禱雨，師笑謂：「吾但知念佛，無他術也」。衆堅請，師不得已乃出，擊木魚循田念佛，雨即隨注。如足所及，民異之，相與挈材木，荷鋤耰，競發其

地，得柱礎而指之曰：『此雲棲寺故物也，師福吾村，吾願鼎新之，以永吾福』。而蘭若成。又梵村舊有朱橋，潮汐衝塌，太守余公請師倡造，師云：『欲我爲者，其論貧富貴賤，人施銀八分而止』。或言工大施微，恐難竣事。師云心力多則工自不朽。不日累千金，鳩工築基，每一下椿，持咒百遍、潮濕不至者數日，橋竟成。因師素戒弟子貴真修，勿顯異，故靈異多不具載，而其感人則深。

四 放生戒殺植德彌深

夫殺生者，長戾氣，召兵戈，不祥之事也。故五戒爲諸戒根本，而以不殺爲先。師極意於戒殺放生，著文久行於世，爲海內所尊奉，其戒殺文中列舉七例以告世之習殺生而不覺其非者：一曰生日不宜殺生，二曰生子不宜殺生，三曰祭先不宜殺生，四曰婚禮不宜殺生，五曰宴客不宜殺生，六曰祈禳不宜殺生，七曰營生不宜殺生。自謂甚拂常情，但爲確論。去常人之迷執，俾積養乎慈心，仁者之言，爲世所則。復著放生文，博引繁徵，義則叩人心弦，文則絢然以彩，爲集中之力作。其刊今猶廣被佛門，植德彌深。當時皇太后，偶見此文，甚爲嘉歎，遣內侍賈紫袈裟齋資往供，並問法要，師拜受，而答之以偈。道風遠播，亦云盛矣。而師固解行並重者，觀其集中「重修上方寺鑿放生池記」及「北門長壽菴放生池記」。猶可想見其當日罄衣資、偕善信、實踐躬行，樂而不倦也。

五 法語精警垂訓萬代

淨土爲難信之法，無量壽經說：『若聞斯經，信樂受持，難中之難，無過於此』。又阿彌陀經說：『爲諸衆生，說是一切世間難信之法』。故非賴歷代諸大德之發揮倡導，未克深入民間。而師以文字般若，繼歷祖以弘揚，闡微妙之法門，備豐宏之述作，法語精警，直撼人心，謹摘錄數則，足徵其利溥：

(一)

夫學佛者，無論莊嚴形迹，止貴真實修行。在家居士，不必

定要緇衣道巾；帶髮之人，自可常服念佛，不一定要敲魚擊鼓；好靜之人，自可寂默念佛，不一定要成羣做會；怕事之人，自可閉門念佛，不一定要入寺聽經；識字之人，自可依教念佛。千里燒香，不如安坐家堂念佛；供奉邪師，不如孝順父母念佛；廣交魔友，不如獨身清淨念佛；寄庫來生，不如現在作福念佛；許願保禳，不如悔過自新念佛；習學外道文書，不如一字不識念佛；無知妄談禪理，不如老實持戒念佛；希求妖鬼靈通，不如正信因果念佛。以要言之，端心滅惡，如是念佛，號曰善人；攝心除散，如是念佛，號曰賢人；悟心斷惑，如是念佛，號曰聖人。

(二)

一、勸極閒人念佛：婚嫁都畢，子孫克家，安閒無事，正好盡心盡力念佛，每日念幾千聲乃至幾萬。

一、勸半忙人念佛：半了不了，或忙或閒，雖不極閒，亦可忙時治事，閒時念佛，每日念幾百聲乃至幾千。

一、勸極忙人念佛：勤勞王事，奔波家業，雖無閒時，也須忙裏偷閒念佛，每日晨朝十念，乃至日間或念幾百。

(三)

有自負參禪者，輒云達磨不立文字，見性則休；有自負念佛者，輒云止貴直下有人，何必經典？此二輩人，有真得而作是語者，且不必論。亦有實無所得而漫言之者，大都不通教理，而護惜其短者也。予一生崇尚念佛，然勤懇懇勸人看教。何以故？念佛之說，何自來乎？非金口所宣，明載簡冊，今日衆生何緣而知十萬億刹之外有阿彌陀佛也？其參禪者，藉口教外別傳，不知離教而參，是邪因也；離教而悟，是邪解也。饒汝參而得悟，必須以教印証，不與教合，悉邪也。是故學儒者必以六經四子爲權衡；學佛者，必以三藏十二部爲模楷！

六 力弘淨土成大思潮

師以念佛法門，普攝三根，著雲棲法彙廿餘種、提倡淨土，不遺餘力。浴其德化者甚多，爲是時一大思潮。居士中如姚廣孝、李卓吾、袁宏道、莊廣還等，各著書鼓吹淨土。故明代萬曆以

後，淨土信仰勃然以興。迄今未替，即近代印光大師之思想，亦未嘗不受此一思潮之影響有以啓之也。

師之淨業專作如阿彌陀經疏鈔，淨土疑辯，答淨土四十八問等。俱詳集中。茲撮錄其與蘇州曹魯川邑令之論辯片段，足見其不避權貴，力極心通，辯才無礙。

曹：迦昔三教聖人出興於世，無不爲一大事。且觀時節因緣，偏者補之，弊者救之，微者顯之。要之以心性開示於人已耳。以今天下拘儒株守傳註，曠士溺意虛玄，餘之手木槌而口彌陀者，自通道大都，返窮村僻巷，居相望而肩相摩也。尊者又從而和之，非所謂順世情之教，波隨而風偃者乎？是在不佞不能無疑！而來翰乃稱雖崇淨土，實尚華嚴。又云繇此淨土一門而入華嚴，此如古德所云但爲弘實，而衆生不信，須爲實施權，以淺助深。又云用典適時，口雖說權，內不違實。但使含生得權實諸益也者，則不佞誠契之，祇領之，且羨且慰矣！乃會下聽衆，自杭過蘇者，時時有之。罔弗津津九品，問與之言少說上乘，則駭心瞠目。或更笑之，此其過在弟子耶？在師耶？大丈夫氣宇冲天，而度生爲急，若出世矣，開堂矣，敷座矣；不具大人作畧，祇作閭巷老齋公齋婆舉止；忽被伶人問着、或明眼人揶着，擬向北斗裏潛身耶？抑鐵圍山裏潛身耶？不見道若大鵬金翅鳥，奮迅百千由旬，躡影神駒，馳驟四方八極，斷不敢取啗啄，亦不隨便埋身，且總不依倚。佛法大事，非同小可，願尊者重厝意焉！

師：來論謂遮那與彌陀不同，而喻華嚴以全身，喻西方以毛孔，生西方者如撮全身入毛孔，爲海漚倒置；夫大小之喻則然矣。弟居士通華嚴宗，奈何止許小入大，不許大入小？且大小相入，特華嚴十玄門之一玄耳。舉華嚴不可說不可說無盡世界而入極樂國一蓮華中，尙不盈花之一葉，葉之一芥子地，則何傷乎全身之入毛孔也？又來論謂荒山僧但問以上乘便駭心瞠目，居士向謂宜華嚴者語以華嚴，宜淨土者語以淨土。今此鈍根輩正宜淨土，何爲不與應病之藥而強聒之耶？又來論謂老朽既出世開堂，不具大人作畧，而作閭巷老齋與齋婆舉止，設被伶人問着，明眼人揶着，向北斗裏潛身耶？鐵圍山裏潛身耶？老朽曾不敢當出世之名

，自應無有大人之畧，姑置弗論。而以修淨土者鄙之齋公齋婆，則古人所謂非鄙愚夫愚婦，是鄙文殊、普賢、馬鳴、龍樹也。豈獨文殊、普賢、馬鳴、龍樹；凡遠祖善導、天台、永明、清涼、圭峯、圓照、眞歇、黃龍、慈受、中峯、天如等諸菩薩、諸善知識、悉齋公齋婆耶？劉遺民、白少傅、柳柳州、文潞公，蘇長公、楊無爲、陳瑩中等諸大君子、悉齋公齋婆耶？就令齋公齋婆，但念佛往生者，即得不退轉地，亦安可鄙耶？且齋公齋婆，庸猥下劣而謹守規模者是也、愚也。若夫聰明才辯，妄談般若若喫得肉已飽來尋僧說禪者魔也。愚貴安愚，吾誠自揣矣。寧爲老齋公老齋婆，無爲老魔民老魔女也。至於所謂伶人明眼人者，來問著揶着，則彼齋公齋婆不須高登北斗遠覓鐵圍，只就伶人漢咽喉處安單，明眼者瞳人上敷座。何以故？且教伊暫閉口頭三昧，回光返照故。作獅子吼，爲護教言，是乃乘大願輪而爲如來之使矣！

七古吟剃度大會

米無敵作

憶昔金人入聖日
楚王劉英最有福
符秦十萬攻襄陽
從此蓮宗遍南北
大梁武帝真天子
寶懺至今照日月
歸來朝庭見天子
不愧中華是上國
君不聞太虛大師海潮音
留宏圖遺後學
紹賢述聖創新聲
雄獅一吼驚天地
點石爲金著效宏
古來青史誰不見

蔡愔奉旨赴天竺
道安不識梵文字
幸得斯人置心腹
法顯西去整三年
三度捨身離宮闕
玄奘留印十七載
埋頭譯述無休息
自來高僧代代有
至今海外念通人
八方才俊聞風集
三師七證俱精英
短期爲僧是敏智
但願今人勝古人

白馬負經歸洛陽
注經定制參化育
慧遠廬山學般若
譯述羣經居第一
雖有臺城興亡恥
踏破西天誰與匹
皇唐大乘共八宗
屈指還須看今日
人間佛教要革新
剃度大會今日開
誓扶寶筏化蒼生
乍見如來成正覺
七天和尚可洗塵